

Ո Ր Ո Շ ՈՒ Մ N 573/1
վարչական տույժ նշանակելու մասին

«14» ապրիլի 2022թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Մի ընդ Գա» ՍՊ ընկերության (ՀՎՀՀ՝ 02237048, հասցեն՝ ք. Երևան, Մուրացանի փող. 1) մաքսային ներկայացուցիչ «Գրիգ թայգեր» ՍՊ ընկերության (ՀՎՀՀ՝ 00885389) լիազոր անձ Նելլի Ստեփանյանի (նույն. քարտ՝ 013085014) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Մի ընդ Գա» ՍՊ ընկերության մաքսային ներկայացուցիչ «Գրիգ թայգեր» ՍՊ ընկերության լիազոր անձը դիմում է ներկայացրել Արարատյան մաքսատուն-վարչության պետին (ԱՄՎ մուտք թիվ 5983 առ 14.04.2022թ.) և հայտնել, որ «Մի ընդ Գա» ՍՊ ընկերության անվամբ թիվ 05100010/130422/0025771 ապրանքների հայտարարագրով ձևակերպվել է բեռ: Տեղեկացրել է, որ հայտարարագրման ժամանակ 23-րդ ապրանքի ապրանքի 41-րդ դաշտը սխալ է լրացվել: Խնդրել է թույլտվություն թիվ 05100010/130422/0025771 ապրանքների հայտարարագրի 41-րդ սյունակում կատարել ճշգրտում:

Փաստի առթիվ 14.04.2022թ.-ին ՀՀ ՊԵԿ Արարատյան մաքսատուն-վարչության գլխավոր մաքսային տեսուչ-իրավաբանի կողմից «Գրիգ թայգեր» ՍՊ ընկերության լիազոր անձ Նելլի Ստեփանյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով:

Նյութերի ուսումնասիրությունից պարզվել է, որ «Գրիգ թայգեր» ՍՊ ընկերության լիազոր անձ Նելլի Ստեփանյանի կողմից «Մի ընդ Գա» ՍՊ ընկերության անվամբ թիվ 05100010/130422/0025771 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել է բեռ, սակայն հայտարարագրի 23-րդ ապրանքի 41-րդ սյունակում սխալ է հայտարարագրել լրացուցիչ միավորը, այսինքն՝ հայտարարագիրը ներկայացրել է ոչ ճշգրիտ տեղեկություններով:

Նշված հայտարարագրում ոչ ճշգրիտ տեղեկություններ ներկայացնելը չի առաջացրել մաքսային վճարների պակաս հաշվարկում կամ չհաշվարկում:

ԵԱՏՄ Մաքսային Միության Հանձնաժողովի 20.05.2014թ.-ի թիվ 257 որոշմամբ հաստատված՝ ապրանքների մաքսային հայտարարագրի լրացման կարգի 14-րդ կետով սահմանված են ներմուծված ապրանքների հայտարարագրման դեպքում ապրանքների հայտարարագրում հայտարարատուի կողմից լրացման ենթակա սյունակները, որոնց մեջ ներառված են նաև 41-րդ սյունակը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների

մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50 հազար դրամի չափով:

Այսպիսով, «Գրիգ թայգեր» ՍՊ ընկերության լիազոր անձ Նելլի Ստեփանյանը թույլ է տվել ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում՝ հայտարարագրման ժամանակ ոչ ճշգրիտ տեղեկություններ նշելով, որի հետևանքով չի առաջացել մաքսային վճարների պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 1-րդ մասով նախատեսված մաքսային կանոնների խախտում կատարելու համար «Գրիգ թայգեր» ՍՊ ընկերության լիազոր անձ Նելլի Ստեփանյանին ենթարկել վարչական պատասխանատվության՝ տուգանելով **50.000 ՀՀ դրամի** չափով:
2. Որոշման մասին հայտնել «Գրիգ թայգեր» ՍՊ ընկերության լիազոր անձ Նելլի Ստեփանյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:
3. Որոշմամբ նշանակված տուգանքի վճարման հաշվեհամարն է **900005024055-ը (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈՂ 27):**

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Կ. ԲԱԲԱՅԱՆ